

卷十二

傷寒六經總論 六經 太陽篇 太陽 陽明 少陽 太陰  
少陰 厥陰篇 三陽併病論 三陽合併論 兩感傳經論  
通按合併兩感傳經辨

金匱啟鑰 第十二冊

金匱要略卷一  
引經藥報使歌

鹿江黃朝坊妙山輯著

傷寒最傳經之病。抑最守經之病。凡用藥治。不明所以達經之性。失用其所引經之藥。則欲治某經。而藥莫到某經。雖用百藥。莫能治矣。且藥性之行。各有定局。率性行經。莫能遏阻。不明所性。或病未至某經。不應引至某經。悞用達此經之藥。豈不引彼經之病。逕入此經。而促起此經之病乎。故治傷寒。不知行經之性。卽有莫能達經之患。且有促起他經之災。醫家於此。不可不

留心焉。故並編引經報使藥歌於後。

小腸膀胱屬太陽。葉本羌活是本鄉。三焦胆與肝胞絡。少陽厥陰柴胡強。大腸陽明並足胃。葛根白芷升麻嘗。大陰肺脈中焦起。蔥白升麻白芷香。脾經少與肺部異。升麻兼之白芍詳。少陰心經獨活主。腎經獨活加桂良。用此使藥通經絡。自然無病入膏肓。

傷寒六經總論

傷寒專祖仲景。然讀仲景書。必將傷寒與中寒。分爲兩門。始能通澈。不致囹圄。而貽悞治之憾。稽考內經。而後賴仲景之發明。尋以世遠年湮。或遭兵燹。或爲蠹毀。殘闕其孔多矣。後之作者。補遺註釋。雖不乏人。究不免失次錯悞之咎。幸歷代之考証。情殷使晦者漸明。逮陶節菴六書。吳綬蘊要二書刊行。而傷寒之理。爲之益著。予忝鳩拙。至理未克詳披。第於中寒傷寒。頗深究辨。雖不敢曰明且晰。而陰陽之別。庶無混焉。吾想夫傷寒之治。但欲明其綱領。不難也。而求之多歧。則支離矣。此中不詳究辨。豈無憾哉。試先以陽証言之。且夫傷寒之

証何爲者言夫寒邪自外入內而傷之也伊其入也有淺深次第自  
表達裏先皮毛次肌肉又次筋骨腸胃此其漸入勢也若夫風寒初  
入必先大陽寒水之經便有惡風惡寒頭痛骨痛之証寒鬱皮毛是  
爲表証在他經則無此証矣是故脈浮緊無汗者爲傷寒以麻黃湯  
發之得汗爲解其首務也若浮緩有汗則爲傷風用桂枝湯散邪汗  
止爲解大陽在最外一層故邪入皮毛卽伐傷之皮毛不能傳變由  
身臟腑之氣無刻不與外氣通故和暢玄府閉則內氣不能泄而生  
熱非風寒能變熱也此時但發其皮毛玄府開而邪隨汗散矣麻黃  
桂枝汗皮毛之方非解中之方也表不解則邪入而日甚從本經反  
而之內及各經並榮俞原合交會之處則熱交於他經而各經病見  
矣若惡寒發熱頭痛身痛無汗而煩燥是營衛兩受風傷用大青龍

寒脈又不見爲表証罷。而在中中者表裏之間也。乃陽明少陽之分脈。不浮不沉在乎肌肉之間。謂皮毛之下也。然有二焉。微洪而長。卽陽明脈也。外証鼻乾不眠。用葛根湯以解肌。脈弦而數。少陽脈也。其証脇痛耳聾。寒熱往來而口苦。以小柴胡湯和之。蓋陽明少陽不從標本從乎中治也。若有一毫惡寒尙在表。雖入中還當兼散邪。肌肉不能傳變肌肉之中皆經絡也。經絡皆謂之中。裏則府臟表則皮毛。臟腑之氣血惟經絡傳達外邪之壅熱。亦惟經絡傳變。故陽明少陽皆從中治中者經病也。非胃與胆病也。經病用和解和解亦必由汗散。然非開發皮毛之法矣。蓋邪初客表經中陰津未傷。但敗其竅而汗自通及熱傳中經血液燔燥。雖啟而汗爲熱隔不能達外。庸工不知尙用風熱之葯以發其表。益助熱而耗陰汗原乾涸。究竟不得汗而

斃者多矣。仲景和解只清解熱邪而津液自存。陰汗既充湧出肌表而外邪自然汗散以養汗以開玄府與開玄府以出汗之迥乎不同也。過此爲邪入裏如小便艱澀而兼口渴是邪因久鬱入於膀胱正大陽病也。宜五苓散去猪苓加桔梗。蓋桔梗取其升提。升提則氣運而便自利。猪苓爲血葯忌入血鄉。小便不利因化氣不行故不用此。若尿蓄膀胱是爲蓄熱其狀如脹欲出竅而卒莫出此用利葯必更加甚。惟用白薏湯治之神效。蓋肉桂化氣砂半開胃暢胸。桔梗升提取如壅吸蓋之意揭起則出也。若邪久鬱未除而未傳膀胱之水不勝胃土之尅而陽明胃土牽受其殃是病先在經有熱鼻乾不眠目眶與額作痛脈見微洪而長是陽明在經之病宜葛根湯以主之。如脈

不浮不沉。沉則按之筋骨之間。方是此爲傷府。所謂胃病正陽明病也。若脈沉寔有力。外証不惡風寒。而反惡熱。譫語大渴。六七日不大便。明其熱入裏。而腸胃燥寔也。輕則大柴胡湯。重則三承氣湯。大便通而熱愈矣。熱既入裏。離表已遠。驅去爲難。故就大便通泄其熱。從其近也得汗而經熱從汗解。非汗爲害而欲去之也。便矢而府熱從矢出。非矢爲難而欲攻之也。醫不察此。專與糟粕爲敵。自始至終。但知消尅泄下之法。禁絕飲食。惟求一便矢以畢其能事。殺人性命於旦夕。如是者曰矢醫。若渴思飲冷。心煩多汗。宜白虎湯。或口鼻聲高大便秘結潮熱自汗。去衣解衾。其脈沉長而數。是邪入陽明之府。宜調胃承氣湯。若譫語熱蒸渴思飲冷。煩燥而舌生黑刺。兼之痞滿者。是邪入府已甚。宜急用大承氣湯下之。以救一線之陰。若因邪在經時。

治之未善不歸於腑必致他行邪干不勝傳經遞變胆木遂爲胃土  
所不勝遂傳少陽胆府發爲喜嘔寒熱往來及耳聾頭脇痛甚之証  
夫胆無出入最宜和解明柴湯以主之或口苦咽乾兼之目眩此邪  
已入少陽府証治宜黃芩湯以瀉其裡更以陰証言之若初起便怕  
寒手足厥冷或戰慄倦卧不渴兼之腹痛嘔吐泄瀉或口出涎沫面  
如刀刮不發熱而脈沉遲無力此爲陰証不從陽經傳入熱証治例  
更當看外証何如輕用理中湯重則薑附湯四逆湯以溫之陰虛者  
入三陰之經以三陽主氣衰無熱拒寒故也三陰各有分証今人都  
以房勞後得病不分陰陽脈証輒命曰陰証致令病者諱言惡聞此  
二字亦可笑矣房勞得病乃挾虛感有陽有陰非必爲陰也由此觀之可見傷寒者由皮毛傳經

絡而後入臟腑

當分

初雖惡寒發熱而終爲熱証其人必素有火者

中寒者直入臟腑始終惡寒並無發熱等証其人必無火者一則發表攻裏一則溫中散寒兩門判然明白何至混雜使人疑悞也夫寒傷營風傷衛衛陽也風亦陽也陽從陽之類故風能傷衛營陰也寒亦陰也陰從陰之類故寒能傷營至於用葯也則亦必因類而行不可妄也彼辛甘發散爲陽風宜辛散寒宜甘發桂枝辛而熱者故能發散胃中之風邪麻黃甘而熱者故能發散血中之寒邪又桂枝麻黃氣味俱輕陽中之陽故能入大陽經散皮膚之風寒也此二方者乃治冬月正傷寒之的方若霜降後春風前此時大陽寒水用事房

勞辛苦之人其大陽寒水之氣乘虛而客入於大陽經同氣相求故易以傷也。仲景以殺氣最重故詳言之。其餘時月則無傷寒二方不可用也。今人醫脾土多書治四時傷寒名不正則言不順矣。活人書言頭痛如破者連翹散白湯不可便與升麻葛根湯恐大陽流入陽明是大陽邪氣引入陽明不能解也未至少陽者不可便與柴胡湯大陽經表之表也行身之背陽明經表之裏也行身之前少陽半表半裏也行乎兩脇之旁過則少陰大陰厥陰俱入臟而爲裏大凡傷寒邪熱傳裏結寔須看熱氣淺深用葯今醫不分淺深惟知急下執宜微和胃氣之論概用大黃芒硝亂投湯劑下之因之枉死者多矣。

守謂傷寒之邪傳來不一治之則殊耳。病有三焦俱傷者。則痞滿燥  
寔堅俱全。宜大承氣湯。厚朴苦溫以去痞。只寔苦寒以泄滿。芒硝鹹  
寒以潤燥。軟堅。大黃苦寒以泄寔去熱。病斯愈矣。邪在中焦。則有燥  
寔堅三証。故用調胃承氣湯。以甘草和中。芒硝潤燥。大黃泄寔。不用  
只寔厚朴。恐傷上焦元氣。調胃之名由此立矣。上焦受傷。則痞而寔。  
用小承氣湯。只寔厚朴之能除痞。大黃之泄寔。去芒硝不傷下焦真  
陰。謂不伐其根本也。若大柴胡湯。則表証尙未除。而裏証又急。不得  
不下者。只可以此湯通表裏而緩治之。尤有老弱及氣血兩虛之人。  
不宜用此。故經云。轉瀉就賢。有芒硝者。緊也。大承氣最緊。小承氣次。

之大柴胡又次之其大柴胡加芒硝方得轉葯蓋爲病輕者設也仲

景云蕩滌傷寒熱積皆用湯葯不宜用丸葯不可不知乃今人輒用

丸治傷寒何也如欲用此三方須以手按病人自胸至小腹果有硬處手不

可远方敢下手然其至妙處尤須辨舌之燥滑若何此三十六舌之

辨不可不細玩也若乃陽邪傳盡陰經受之夫陰經之病原非一轍

有從陽傳來者有不從陽傳而直中陰經者是太陰經脾土也若病係

陽傳其脈有力而沉其証咽乾腹滿痛而堅寔此証雖屬大陰轉屬

陽明故有堅寔之候亦當下之古用桂枝大黃湯而無大陽証者忌

惟宜調胃承氣湯或腹滿食難不渴四肢不冷吐利並至是當惺惺

惟宜調胃承氣湯或腹滿食難不渴四肢不冷吐利並至是當惺惺

瘖兼之難眠。是名支飲。宜葦附湯加故脂。更用斬芎朮一副。則痰消  
氣降。而呻吟免矣。若爲懸飲。咳兼脇痛者。宜以葦朮湯加草薢芫花  
主之。若痰厥肢中發爲軟痛者。是爲溢飲。宜以葦朮湯加靈龜骨薑  
黃附子之類。若經隨熱凝。發爲行痺。走無定處也。着痺。痛在一處也。此雖與  
溢飲相似。而寔不同。蓋溢飲不赤不腫。痺則陰虧熱結。經隨赤熱。腫  
痛。此宜竹瀝湯加人參主之。若面目皆黃。小便艱澀。此宜茵陳五苓  
散主之。有身重貪眠。而腹厥痛者。此熱寒相戰。宜茵附湯治之。此皆  
言陽邪傳入之病。若夫直中陰經之証。其初發病無熱。便四肢厥冷。

或胸腹中滿。或嘔吐腹滿。痛下利。脈細無力。此自陰証受寒。卽真陰

証。非從陽經傳來。

凡從陽經傳陰經者。不宜溫之。不宜少緩。經云。作陰証。仍從陽經中治。

不宜溫之。不宜少緩。經云。

發熱惡寒者。發於陽也。無熱惡寒者。發於陰也。治宜四逆湯。輕用附

子理中湯。若腹滿腹痛。皆是陰証。只有微甚不同。治難一概。腹痛不

大便。桂枝加芍藥湯。腹痛甚。桂枝加大黃湯。若自利腹痛。小便清白。宜

溫中散理中湯。四逆湯。看微甚酌用。輕者五積散。重者四逆湯。無脈

者。通脈四逆湯。使陽退而陰復也。陰毒病。手足指甲皆青。脈浮細而

急者。四逆湯。無脈者。通脈四逆湯。陰毒甘草湯。臍中須用葱熨。氣海

關元。著艾可灸二三百壯。乃用溫補氣之藥。通其內外。以復陽氣。

勝也不由是而傳少陰乎。伊其脈也。本細傳經而病則轉而有力。其  
爲証也。咽乾口渴。其熱蒸蒸。心煩。膚燥。小便短少。若此者。治宜黃連  
阿膠湯。若腹圍臍疼痛。言語謔妄。大便燥結。旁流清水。此少陰轉屬  
陽明之証。不急驅陽。其陰無救。治宜大承氣湯。若其脈軟弱無力。倦  
嗜臥。吐利不渴。腹痛息短。其身厥冷如冰者。此少陰本經正病。宜用  
附子湯。或用其附湯主之。若腎經未愈。遂傳所生之厥陰肝經。彼其  
肝經受邪。其脈則緩而沉。兼之有力。其爲病也。或張目不眠。或言語  
呻吟。或渴消口臭。或煩滿喉痺。如是宜投天麥散。若或便出膿血。宜

進雞連飲。或飲而遂吐。甚渴。且腹痛。而心煩。飲冷者。此其進藥。寒熱不可偏盛。惟宜連附湯。若縮囊轉舌。兼煩而痛者。此厥陰轉屬陽明之証。外似乎厥。寔爲熱病。宜投承氣湯。大小須憑虛寔。隨宜用之。若本經之証。其脈無力。其証面削如刀。唇甲色青。轉舌縮囊。關元極冷。腹疼痛甚。且下痢而嘔酸吐苦。肘膝如冰。有將通身厥冷。如是者。宜吳萸四逆湯。或吳附湯。已上皆言陰証。人皆知之。至於反常。則不易曉。有發熱面赤。煩燥。揭去衣被。飲冷脈大者。誤認爲陽証。投寒涼藥。死者多矣。必須憑脈下藥。不問沉與大小。但指下無力。按至筋骨全無力者。必有伏陰。不可與涼藥。若已曾服過涼藥。脈必鼓指而有